

“Тасдиқланган”
“TURON SANATORIYASI” АЖ
акциядорларининг йиллик
умумий йиғилишида
25.05.2019 йил, баённома № 1.



TURON SANATORIYASI

акциядорлик Жамиятининг УСТАВИ (янги таҳрир)

Тошкент шахри – 2019 йил

I. УМУМИЙ ҚОИДАЛАР

1.1. "TURON SANATORIYASI" акциядорлик жамияти (матн давомида Жамият деб юритилади), Жамият Узбекистон Республикаси касаба уюшмалари Федерацияси Кенгаши Раёсатининг 2000 йил 20 - октябрдаги 3-8- сон, 2001 йил 26 - октябрдаги 6-21 - сон қарорлари ва меҳнат жамоасининг 2001 йил 17 июлдаги умумий йигилиши қарорига асосан «Турон» санаториясининг хужалик юритиш шаклини ўзгартириш натижасида ташкил этилган бўлиб, унинг ҳукуқ ва мажбуриятларини ўз зиммасига олган ҳолда тўла равишдаги иш юритувчи ҳисобланади.

Жамият "TURON SANATORIYASI" очик акциядорлик жамиятининг барча молиявий ҳукуқ ва мажбуриятлари буйича ҳукукий вориси ҳисобланади.

1.2. Жамият ўз фаолиятини Ўзбекистон Республикасининг Фуқаролик Кодекси, «Акциядорлик Жамиятлари ва акциядорларнинг ҳукуқларини химоя қилиш тұғрисида»ги қонуни (06.05.2014 й. ЎРқ-370-сон) ва бошқа меъёрий-ҳукукий ҳужжатларга мувофик олиб боради.

1.3. Жамиятнинг тўли фирма номи:

Ўзбек тилида:

- кирилл алифбосида – "TURON SANATORIYASI" акциядорлик жамияти;
- лотин алифбосида – "TURON SANATORIYASI" aksiyadorlik jamiyati.

Рус тилида:

- акционерное общество "TURON SANATORIYASI".

Жамиятнинг қисқартирилган фирма номи:

Ўзбек тилида:

- кирилл алифбосида – "TURON SANATORIYASI" АЖ
- лотин алифбосида – "TURON SANATORIYASI" AJ

Рус тилида:

- АО "TURON SANATORIYASI".

1.4. Жамиятнинг жойлашган ери (пошли манзили): Ўзбекистон Республикаси, 100147, Тошкент шаҳри, Мирзо Улугбек тумани, Шуртепа кўчаси, 159.

1.5. Жамиятнинг электрон почта манзили: sihatgoh_turon@mail.ru

1.6. Жамиятнинг расмий веб-сайти: www.turonsan.uz.

1.7 Жамият юридик шахс ҳисобланади ва ўзининг мустақил балансида ҳисобга олинадиган алоҳида мол-мулкига эга бўлади, ўз номидан мулкий ва шахсий номулкий ҳукуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

1.8. Жамият давлат рўйхатидан ўтказилган пайтдан бошлаб юридик шахс ҳукуқларини кўлга киритади. Жамият чекланмаган муддатга тузилади.

1.9. Жамият белгиланган тартибда Ўзбекистон Республикаси ҳудуди ва ундан ташқарида банкда ҳисоб вараклар очишга ҳақлиdir.

1.10. Жамият ўзининг фирма номи давлат тилида тўлиқ ёзилган ҳамда жойлашган манзили кўрсатилган юмалоқ муҳрига эга бўлади.

1.11. Жамият ўз номи ёзилган штампи ва бланкаларига, ўз тимсолига, шунингдек белгиланган тартибда рўйхатдан ўтказилган товар нишонига ҳамда бошқа ўз белги-аломатларига эга бўлишга ҳақлиdir.

1.12. Жамиятнинг таъсисчиси Ўзбекистон Республикаси касаба уюшмалари Федерацияси Кенгаши ҳисобланади.

1.13. Жамият молия-хўжалик фаолиятини олиб боришда амалдаги қонунчиликка амал қилган ҳолда, хамма турдаги шартномалар тузиши мумкин.

.14. Жамият ўз мажбуриятлари юзасидан ўзига тегишли барча мол-мулки билан жавобгар бўлади. Акциядорлар жамиятнинг мажбуриятлари юзасидан жавобгар бўлмайдилар ва унинг фаолияти билан боғлиқ зиёнларни ўзларига тегишли акциялар қиймати доирасида тўлайдилар.

Акциялар ҳакининг ҳаммасини тўламаган акциядорлар жамият мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўладилар.

.15. Жамият қонун хужжатларида тақиқланмаган фаолиятнинг ҳар қандай турларини амалга ошириш чоғида ҳуқуқларга эга бўлади ва мажбуриятларни ўз зиммасига олади, бошқа юридик шахслар устав фондлари (капиталлари) таъсисчилари бўлиш ёки бошқа турда иштирок этиш, филиаллар ташкил этиши ҳамда ваколатхоналар очиши, бирлашма ва уюшмаларга кириши мумкин.

И. ЖАМИЯТ ФАОЛИЯТИНИНГ СОХАСИ (АСОСИЙ ЙЎНАЛИШЛАРИ) ВА МАҚСАДИ

2.1. Жамият фаолиятининг асосий мақсади: Уставда кўрсатилган фаолиятидан даромад олиш ва ахолига даволаш-профилактика хизматини кўрсатиш.

Жамият фаолиятининг асосий йўналишлари куйидагилардан иборат:

- стационар шароитда неврология, гинекология, кардиология (интервенцион кардиологиядан ташқари, урология ихтисосликлари йўналишида диагностика, маслаҳат ва консерватив даволаш; амбулатор шароитда эндокринология, терапия, диетология, психотерапия. дерматология ва гастроэнтерология ихтисосликлари йўналишида диагностика, маслаҳат ва консерватив даволаш; физиотерапия, ЛФК, ЭКГ ва УТД, терапевтик ва ортопедик (қимматбаҳо металлардан ташқари) стоматология щамда клиник-биохимик лаборатория диагностикаси ихтисосликлари бўйича курортология йўналишида бўйича тиббий хизмат курсатиш;
- санаторийда дам олувчиларга замонавий талаб даражасида ва тиббиёт фанлари ютуқлари доирасида, тасдиқдан ўтган ташхис қўйиш ва даволаш терапия мажмуи талаблари асосида даволаш ишларини ташкил этиш;
- курорт варақасига эга бўлмаган дам олувчиларни врач кўригидан ва лаборатория текширишларидан ўтказиш;
- касаллик турини хисобга олган щолда беморлар ва дам олувчиларга тўйимли ва парщез таомларни тайёрланишини ташкил этиш;
- ахолига йўлланма нархига кирмаган кўшимча пуллик тиббий ва майший хизматларини кўрсатиш;
- савдо ва савдо-воситачилик фаолиятини амалга ошириш;
- илмий текшириш институтлари ходимларини жалб қилиб, санаторийда дам олувчиларга маслаҳат ёрдами бериш бўйича иш олиб бориш;
- Ўзбекистон Республикаси қонунчилигига мувофиқ ташқи иқтисодий алоқаларни амалга ошириш;

2.2. Лицензиялашни лозим бўлган фаолият билан шууланиш, лицензия олганидан сўнг амалга оширилади. Жамият мақсадларига мос келувчи Ўзбекистон Республикаси амалдаги қонунчилик хужжатларида тақиқламанган барча турдаги хўжалик фаолиятларини, амалга оширади.

2.3. Жамиятнинг махсус рухсат (лицензия) талаб этадиган фаолияти қонунчиликда белгиланган тартибда амалга оширилади.

III. ЖАМИЯТ УСТАВ КАПИТАЛИНИНГ МИҚДОРИ

3.1. Жамиятнинг устав капитали акциядорлар олган Жамият акцияларининг номинал қийматидан ташкил топади.

3.2. Жамиятнинг устав капитали 728 375 000 (етти юз йигирма саккиз миллион уч юз етмиш беш минг) сўмни ташкил қиласди. У ҳар бирининг номинал қиймати 1 000 сўм бўлиб 728 375 (етти юз йигирма саккиз минг уч юз етмиш беш) дона эгасининг номи ёзилган оддий акцияларга бўлинади.

Жамиятнинг устав капиталини қўпайтириш

3.3. Жамиятнинг устав фонди (устав капитали) қўшимча акцияларни жойлаштириш йўли билан қўпайтирилиши мумкин.

3.4. Қўшимча акциялар факат Жамият уставида белгиланган, эълон қилинган акцияларнинг сони доирасида жамият томонидан жойлаштирилиши мумкин.

3.5. Қўшимча акцияларни жойлаштириш йўли билан қўпайтириш тўғрисидаги қарорда жойлаштириладиган қўшимча акцияларнинг умумий қиймати, сони, тури, номинал қиймати, жойлаштириш тартиби, усули, муддати, жойлаштириш (акцияларнинг биржа ва уюшган биржадан ташқари бозорига чиқариш) нархи, акциялар учун тўлов тартиби, амалга ошмаган деб топиш улуши ва амалга ошмаган деб топилган тақдирда акциялар учун қабул қилинган тўлов воситаларини қайташиш тартиби белгиланади.

3.6. Қўшимча чиқарилаётган акциялар очик обуна усули билан белгиланган тартибда фуқаролик-хукуқий битимлар тузиш йўли билан биржа ёки биржадан ташқари уюшган бозорда жойлаштирилади.

3.7. Ўшимча чиқарилган акциялар бозор қийматида, лекин номинал қийматидан кам бўлмаган қийматда жойлаштирилади.

3.8. Жамиятнинг акцияларига ҳақ тўлаш қонун хужжатларида белгиланган тартибда пул воситасида амалга оширилади.

Жамиятнинг устав капиталини камайтириш

3.9. Жамиятнинг устав капитали акцияларнинг номинал қийматини камайтириш ёки акцияларнинг умумий сонини қисқартириш йўли билан камайтирилиши мумкин.

3.10. Агар устав капиталини камайтириш натижасида унинг миқдори қонун хужжатларида белгиланган энг кам миқдоридан камайиб кетса, Жамият устав капиталини камайтиришга ҳақли эмас.

3.11. Устав капиталини камайтириш тўғрисида қарор қабул қиласди вактда акциядорларнинг умумий йигилиши устав капиталини камайтириш сабабларини кўрсатади ва уни камайтириш тартибини белгилайди.

IV. ЖАМИЯТ АКЦИЯЛАРИНИНГ ТУРЛАРИ ВА УЛАР БЎЙИЧА ДИВИДЕНДЛАР ТЎЛАШ ТАРТИБИ

4.1. Жамиятнинг акциялари оддий бўлиб, эмиссиявий қимматли қоғозлар ҳисобланади.

4.2. Дивиденд акциядорларнинг умумий йигилиши қарорига кўра пул маблағлари ёки бошқа қонуний тўлов воситалари ёхуд Жамиятнинг қимматли қоғозлари билан тўланиши мумкин.

4.3. Дивиденд акциядорлар ўртасида уларга тегишли акцияларнинг сони мутаносиб равишда тақсимланади. Жамият томонидан оддий акциялар бўйича ҳисобланган дивидендерларни тўлаш акциядорларнинг дивидендерларни олишга бўлган teng ҳуқуқларига риоя этилган ҳолда амалга оширилади.

4.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивиденdlар тўлаш тўғрисида қарор қабул қилишга ҳакли.

Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивиденdlар тўлаш тўғрисидаги қарори тегиши давр тугагандан кейин уч ой ичидаги қабул қилиниши мумкин.

4.5. Акцияларнинг бўйича дивиденdlар тўлаш, дивиденднинг микдори, уни тўлаш шакли ва тартиби тўғрисидаги қарор Жамият Кузатув кенгашининг тавсияси, молиявий хисоботнинг ишончлилиги ҳақида аудиторлик хуносаси мавжуд бўлган тақдирда, молиявий хисобот маълумотлари асосида акциядорларнинг умумий йигилиши томонидан қабул қилинади. Дивиденdlарнинг микдори жамият кузатув кенгаши томонидан тавсия этилган микдордан кўп бўлиши мумкин эмас.

4.6. Дивиденdlар тўлаш тўғрисидаги қарорда дивиденdlар тўлаш бошланадиган ва тугалланадиган саналар кўрсатилган бўлиши лозим. Дивиденdlарни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

V. ЖАМИЯТНИНГ ЗАХИРА ФОНДИ

5.1. Жамият соф фойда ҳисобидан захира фондини ҳамда акциядорларнинг умумий йигилишида аникланадиган, Жамият фаолияти учун зарур бўлган бошқа фондларни ташкил этади.

5.2. Жамиятнинг захира фонди, бошқа маблағлар мавжуд бўлмаган тақдирда, Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш, имтиёзли акциялар бўйича дивиденdlар тўлаш ва Жамиятнинг акцияларини қайтариб сотиб олиш учун мўлжалланади. Захира фондидан бошқа мақсадларда фойдаланиш мумкин эмас.

5.3. Жамият устав капиталининг 15 фоиздан микдорда Жамият захира фонди тузилади.

5.4. Жамият захира фондига ушбу уставнинг 5.3-бандида белгилangan микдорга етгунига кадар ҳар йили соф фойдадан 5 фоиз микдорида ажратмалар ўтказади.

5.5. Захира фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

VI. ЖАМИЯТ БОШҚАРУВИННИНГ ТУЗИЛМАСИ

6.1. Жамият бошқарув органлари - Акциядорларнинг умумий йигилиши, Кузатув кенгashi ва Ижроия органи (Бошқаруви).

VII. ЖАМИЯТ АКЦИЯДОРЛАРИНИНГ УМУМИЙ ЙИГИЛИШИ

7.1. Акциядорларнинг умумий йигилиши Жамиятнинг юкори бошқарув органидир.

7.2. Жамият ҳар йили Акциядорларнинг умумий йигилишини (акциядорларнинг йиллик умумий йигилишини) ўтказиши шарт. Акциядорларнинг йиллик умумий йигилиши молия йили тугаганидан кейин олти ойдан кечиктирмай ўтказилади.

Акциядорларнинг йиллик умумий йигилишидан ташқари ўтказиладиган умумий йигилишлари навбатдан ташқари йигилишлардир.

Акциядорларнинг умумий йигилишини Кузатув кенгашининг раиси, у узрли сабабларга кўра бўлмаган тақдирда эса, Кузатув кенгашининг аъзоларидан бири олиб боради.

7.3. Акциядорлар умумий йигилишининг ваколат доирасига қўйидагилар киради:

- Жамият уставига ўзгартиш ва қўшимчалар киритиш ёки Жамиятнинг янги таҳrirдаги уставини тасдиқлаш;
- Жамиятни қайта ташкил этиш;
- Жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

- Жамият Кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- эълон қилинган акцияларнинг энг кўп микдорини белгилаш;
- Жамиятнинг устав капиталини қўпайтириш;
- Жамиятнинг устав капиталини камайтириш;
- ўз акцияларини олиш;
- Жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;
- Жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;
- мажбурий аудиторлик текшируванин ўтказиш учун аудиторлик ташкилотини белгилаш ушбу ташкилотнинг хизматларига тўланадиган энг қўп ҳак микдори ва у билан шартнома тузиш (шартномани бекор қилиш) тўғрисида қарор қабул қилиш;
- Жамиятнинг йиллик ҳисботини ва йиллик бизнес-режасини, шунингдек жамият фаолиятининг асосий йўналишлари ва мақсадидан келиб чиқсан ҳолда жамиятни ўрта муддатга ва узоқ муддатга равожлантиришнинг аниқ муддатлари белгиланган стратегиясини тасдиқлаш;
- Жамиятнинг фойдаси ва заарларини тақсимлаш;
- Жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан Жамиятни бошқаришга доир қонун хужжатларида белгиланган талабларга риоя этилиши юзасидан Жамият кузатув кенгашининг ҳисботларини ва тафтиш комиссиясининг (тафтишчисининг) хуносаларини эшлиши;
- Жамият томонидан корпоратив облигациялар чиқариш тўғрисида қарор қабул қилиш;
- қимматли қоғозларнинг ҳосилаларини чиқариш тўғрисида қарор қабул қилиш;
- Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- имтиёзли ҳукуқни қўлламаслик тўғрисида қарорни қабул қилиш;
- акцияларни ва акцияларга айирбошланадиган қимматли қоғозларни сотиб олишда акциядорнинг имтиёзли ҳукуқини қўлламаслик тўғрисида қарорни қабул қилиш;
- акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- акциядорлар умумий йигилишининг регламентини тасдиқлаш;
- акцияларни майдалаш ва йириклаштириш;
- Жамиятнинг ижроия органига тўланадиган ҳак ва (ёки) компенсацияларни, шунингдек уларнинг энг юкори микдорларини белгилаш;
- қонунчиликда белгиланган ҳолларда Жамият томонидан йирик битимлар ва Жамият аффилланган шахслари билан битимлар тузиш тўғрисида қарор қабул қилиш;
- қонун ҳужжатларига мувофиқ бошқа масалаларни ҳал этиш.

7.4. Акциядорларнинг умумий йигилиши томонидан қабул қилинган қарорлар йигилиш баённомаси имзоланган кундан икки иш кунидан кечиктиргай, шунингдек овоз бериш якунлари ушбу қарорлар қабул қилинган санадан зътиборан ўттиз кундан кечиктиргай қонун ҳужжатларида белгиланган тартибда акциядорлар зътиборига етказилади.

7.5. Миноритар акциядорларнинг ҳукуқлари ва қонуний манфаатларини ҳимоя қилиш мақсадида жамиятда уларнинг орасидан миноритар акциядорларнинг қўмитаси ташкил этилиши мумкин.

7.6. Жамият Акциядорлар умумий йигилиши Жамиятнинг «Акциядорлар умумий йигилиши тўғрисида»ги Низом асосида чакирилади ва ўтказилади.

VIII. ЖАМИЯТ КУЗАТУВ КЕНГАШИ

8.1. Жамият Кузатув кенгаси Жамият фаолиятига умумий раҳбарликни амалга оширади, акциядорлар умумий йигилишининг ваколатига тааллуқли масалалар бундан мустасно.

8.2. Жамият Кузатув кенгашининг аъзолари акциядорларнинг умумий йиғилиши томонидан бир йиллик муддатга сайланадилар. Жамият Кузатув кенгаши аъзоларининг сони 5 кишидан иборат.

8.3. Жамиятнинг Кузатув кенгаши таркибига сайланган шахслар чекланмаган тарзда қайта сайланиши мумкин. Жамият бошқаруви аъзолари ва директори, унинг шўъба ва тобе хўжалик жамиятларида меҳнат шартномаси (контракт) бўйича ишлаётган шахслар ва ушбу жамиятлар бошқарув органларининг аъзолари жамиятнинг кузатув кенгашига сайланиши мумкин эмас.

8.4. Жамият Кузатув кенгашининг ваколат доирасига куйидагилар киради:

- жамиятни ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисботини мунтазам равишда эшитиб борган ҳолда жамият фаолиятининг устувор йўналишларини белгилаш;

- акциядорларнинг йиллик ва навбатдан ташкари умумий йиғилишларини чақириш, қонунчиликда назарда тутилган ҳоллар мустасно;

- акциядорлар умумий йигилишининг кун тартибини тайёрлаш;

- акциядорларнинг умумий йиғилиши ўтказиладиган сана, вақт ва жойни белгилаш;

- акциядорларнинг умумий йигилиши ўтказилиши ҳакида хабар қилиш учун Жамият акциядорларининг реестрини шакллантириш санасини белгилаш;

- Жамият уставига ўзгартиш ва қўшимчалар киритиш ёки Жамиятнинг янги таҳрирдаги уставини тасдиқлаш масалаларини акциядорларнинг умумий йигилиши ҳал қилиши учун киритиш;

- мол-мулкнинг бозор қийматини белгилашни ташкил этиш;

- Жамиятнинг йиллик бизнес-режасини маъқуллаш. Бунда Жамиятнинг келгуси йилга мўлжалланган бизнес-режаси Жамият Кузатув кенгаши мажлисида жорий йилнинг 1 декабридан кечиктирмай маъқулланиши лозим;

- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисботларини эшитиб бориш;

- Жамият ижроия органининг фаолиятига дахлдор ҳар қандай ҳужжатлардан эркин фойдаланиш ва Жамият Кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

- аудиторлик текширувани ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳак миқдори ва у билан шартнома тузиш (шартномани бекор қилиш) тўғрисида қарор қабул қилиш;

- Жамиятнинг тафтиш комиссияси аъзоларига (тафтишчисига) тўланадиган ҳак ва компенсацияларнинг миқдорлари юзасидан тавсиялар бериш;

- дивиденд миқдори, уни тўлаш шакли ва тартиби юзасидан тавсиялар бериш;

- Жамиятнинг захира фондидан ва бошқа фондларидан фойдаланиш;

- Жамиятнинг филиалларини ташкил этиш ва ваколатхоналарини очиш;

- Жамиятнинг шўъба ва тобе хўжалик Жамиятларини ташкил этиш;

- қимматли қоғозлар чиқарилиши тўғрисидаги қарор ва эмиссия рисоласини тасдиқлаш;

- аввал рўйхатдан ўтказилган қимматли қоғозлар чиқарилишларига ўзгартириш ва (ёки) қўшимчалар киритиш;

- қонунчиликда белгиланган ҳолларда Жамият томонидан йирик битимлар ва Жамият аффилланган шахслари билан битимлар тузиш тўғрисида қарор қабул қилиш;

- Жамият Бошқарув раиснинг ваколатлари муддатидан илгари тугатилган тақдирда, унинг вазифасини вактингча бажарувчини тайинлаш;

- Жамиятнинг тижорат ва нотижорат ташкилотлардаги иштироки билан боялиқ битимларни қонун ҳужжатларида белгиланган тартибда тузиш.

8.5. Жамиятнинг Кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони Жамиятнинг Кузатув кенгашига сайланиши лозим бўлган шахслар сонига қўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортиқ номзодлар ўртасида тақсимлашга ҳамлидир. Энг кўп овоз тўплаган номзодлар Жамият Кузатув кенгаши таркибига сайланган деб ҳисобланади.

8.6. Жамият Кузатув кенгашининг раиси Кузатув кенгаш аъзолари томонидан уларнинг ўзлари орасидан Жамият Кузатув кенгаши аъзолари умумий сонига нисбатан қўпчилик овоз билан сайланади. Жамият Кузатув кенгаши ўз раисини жами аъзоларининг қўпчилик овози билан қайта сайлашга ҳақлидир.

8.7. Жамият Кузатув кенгашининг раиси унинг ишини ташкил этади, Кузатув кенгаши мажлисларини чакиради ва уларда раислик қилади, мажлисда баённома юритилишини ташкил этади.

8.8. Жамият Кузатув кенгаши раиси йўқ бўлган ҳолларда унинг вазифасини Кузатув кенгаш аъзоларидан бири амалга оширади.

8.9. Жамият Кузатув кенгаши мажлислари унинг раиси томонидан ҳар чоракда камида бир марта чақирилади. Зарурятга кўра Жамият Кузатув кенгашининг навбатдан ташқари мажлислари ҳам ўtkазилиши мумкин.

8.10. Жамият Кузатув кенгашининг қарори Кузатув кенгашга сайланган аъзоларнинг камида етмиш беш фоизи иштирок этганида қонуний ҳисобланади. Жамият Кузатув кенгашининг мажлисида қарорлар, агар қонунчиликда бошқа ҳоллар кўзда тутилмаган бўлса, мажлисда ҳозир бўлганларнинг қўпчилик овози билан қабул қилинади. Жамият Кузатув кенгаши мажлисида масалалар ҳал этилаётганда Кузатув кенгашнинг ҳар бир аъзоси битта овозга эга. Жамият Кузатув кенгашининг бир аъзоси ўз овозини Кузатув кенгашнинг бошқа аъзосига беришига ҳақли эмас. Жамият Кузатув кенгаши аъзоларининг овозлари тенг бўлган ҳолда, Жамият Кузатув кенгаши Раисининг овози ҳал этувчи ҳисобланади.

8.11. Жамият Кузатув кенгаши Жамиятнинг «Кузатув кенгаш тўғрисида»ги Низом асосида иш олиб боради.

IX. ЖАМИЯТНИНГ ИЖРОИЯ ОРГАНИ

9.1. Жамиятнинг кундалик фаолиятига раҳбарлик коллегиал ижроия орган (бошқарув) томонидан амалга оширилади. Жамият Бошқаруви органи 4 кишидан иборат бўлиб, акциядорларнинг умумий йигилиши қарори билан 1 йил муддатга сайланади. Жамият Бошқарув раисини тайинлаш тугрисидаги карор, хорижий менежерлар хам иштирок этиши мумкин булган танлов асосида қабул қилинади.

9.2. Бошқарув органининг раҳбари раис бўлиб, у оператив раҳбарликни амалга ошириб, акциядорларнинг йиллик умумий йигилишида Жамият фаолияти хисоботини тақдим этади.

9.3. Бошқарув органининг ваколатларига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йигилишининг мутлақ ваколатларига ёки Кузатув кенгашининг ваколатларига киритилган масалалар бундан мустасно. Бошқарув органи акциядорлар умумий йигилиши ва Кузатув кенгашининг қарорлари бажарилишини ташкил этади.

9.4. Бошқарув раиси қуйидаги ҳукуқларга эга:

- акциядорлик Жамияти номидан ишончномасиз иш олиб бориш, унинг манфаатларини бошқа ташкилот ва корхоналар билан муносабатларда химоя қилиш;

- Устав ва бошқа ҳужжатларда кўрсатилган миқдорда акциядорлик Жамияти мулки ва пул маблағлари билан ўзаро муомалада фойдаланиш;

- шартнома ва битимлар, шунингдек меҳнат шартномаларини тузиш;

- ишончномалар бериш;

- банкларда хисоб ва бошқа ракамларини очиш;
- унга тобе бўлган ходимлар учун мажбурий бўлган буйруқ ва фармойишлар бериш;
- ишчи-ходимлар штатини тасдиқлаш ва унинг тўлдирилишини тъминлаш.

9.5. Бошқарув раиси мажбуриятлари:

- Жамият фаолиятининг кундалик раҳбарлигини, унинг самарадорлиги ва турғунилигини тъминлаган ҳолда ўзига берилган ваколатлар доирасида олиб бориш, Жамият умумий йигилиши ва Кузатув кенгаши мутлақ ваколатларига тегишли масалалар бундан мустасно;
- акциядорлар умумий йигилиши ва Жамият Кузатув кенгаши карорларни бажарилишини ташкил этиш;
- Жамиятни ривожлантириш режаларини ва бизнес-режасини тузиш ва ташкил этишга раҳбарлик қилиш ва унинг бажарилишини назоратта олиш;
- Жамият фаолиятида қонунчилик талабларини бажарилишини тъминлаш;
- Жамият бухгалтерия ҳисботини ташкил этиш, унинг тегишли холатини ва ишончлилигини, йиллик ҳисбот ва бошқа ҳисботларни ўз вақтида тегишли органларга, шунингдек Жамият фаолияти бўйича ҳисботни акциядорларга, кредиторлар ва бошқа ахборот олувчиларга ўз вақтида тақдим этилиши тъминлаш;
- Жамият молиявий-хўжалик фаолияти хақидаги хужожатларни Жамият Кузатув кенгаши, тафтиш комиссияси ёки аудитор талабига биноан тақдим этиш;
- Давлат статистик ҳисботини тегишли ташкилотларга ўз вақтида ва тўлиқ тақдим этилишини тъминлаш;
- Жамият учун тижорат сирлари бўлган ахборотларни сақлаш, агар ушбу ахборот учинчи шахсларга бериш вазифаси топширилган бўлмаса. Жамият тижорат сирлари қаторига кирувчи ахборотлар рўйхати Кузатув кенгаши томонидан белгиланади;
- Жамият ишчи-ходимлари тамонидан хизмат ва тижорат сирларига тегишли ахборотларни сақланишини тъминлаш;
- Жамиятни мутахассис кадрлар билан тъминлаш, ишчиларнинг билимларидан, мутахассислик тажрибаларидан ва қобилияtlаридан самарали фойдаланиш бўйича чоралар кўриш;
- хизмат тартибни сақлаш;
- Жамият ишчи-ходимлари ижтимоий тъминот гаровлари ва меҳнат муҳофазасини тъминлаш;
- Жамоат мажлисларида ижроия орган вакиллари қатнашишини тъминлаш. Жамоат шартномалари ва келищувлари тузилишида иш билан тъминловчи сифатида қатнашиш. Жамоат шартномалари бўйича мажбуриятларни бажариш;
- акциядорлар умумий йигилиши ва Кузатув кенгашига ўз ваколатига тегишли масалалар бўйича маъruzani кўrsatilgan муддатда тақдим этиш;
- акциядорларнинг амалдаги қонун асосан ахборотларни олиш, акциядорлар умумий йигилишида қатнашиш, дивиденdlарини ҳисоблаш ва тўланиш хукуқларини тъминлаш;
- ички хужожатлар, амалдаги қонунчилик ва бошқа норматив актларга амал қилиш.

9.6. Жамиятнинг бошқарув аъзоларининг хукуқлари ва мажбуриятлари «Акциядорлик жамиятлари ва акциядорларнинг хукуқларини ҳимоя қилиш тўғрисида»ги қонун, бошқа қонун хужожатлари, жамият устави томонидан ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш (шартномани қайта тузиш ёки уни тугатиш (бекор қилиш) мумкинлиги тўғрисида ҳар йили қарор қабул қилинади.

9.7. Жамият номидан шартномани кузатув кенгашининг раиси ёки Кузатув кенгаши ваколат берган шахс имзолайди. Жамиятнинг бошқарув раҳбари билан тузиладиган шартномада уларнинг акциядорлик жамияти фаолияти самарадорлигини ошириш бўйича мажбуриятлари ҳамда акциядорларнинг умумий йиғилиши ва кузатув кенгаши олдида жамиятнинг йиллик бизнес-режасини бажариш қандай бораётганлиги юзасидан берадиган ҳисоботлари даврийлиги назарда тутилиши лозим.

9.8. Бошқарув мажлисида баённома юритилади. Бошқарув мажлисининг баённомаси кузатув кенгаши ва тафтиш комиссияси аъзоларига уларнинг талабига кўра берилади.

9.9. Жамиятнинг бошқарув мажлисларини ўтказишни жамиятнинг бошқарув раҳбари вазифасини бажараётган шахс ташкил этади, у жамият номидан барча ҳужжатларни ҳамда бошқарув мажлиси баённомаларини имзолайди, бошқарув ўз ваколатлари доирасида қабул қилган қарорларга мувофиқ ишончномасиз жамият номидан иш юритади.

9.10. Жамиятнинг бошқарув аъзоларига тўланадиган меҳнат ҳаки ва бошқа ҳақлар микдори хизматларига ҳақ тўлаш шартлари жамият фаолиятининг самарадорлигига тўғридан-тўғри боғлиқ бўлиб, шартномада белгиланиши керак.

9.11. Жамиятнинг бошқарув раиси вазифасини ҳамда бошқа ташкилотларнинг бошқарув органларидаги лавозимларни уриндошлик йўли билан бир шахснинг эгаллашига кузатув кенгаши розилиги билангина йўл қўйилади.

9.12. Акциядорлар умумий йиғилиши жамиятнинг бошқаруви аъзолари билан тузилган шартномани улар шартноманинни бузган тақдирда бекор қилишга ҳақлидир.

9.13. Кузатув кенгаши жамиятнинг бошқарув раҳбари билан тузилган шартномани, агар шартнома тузишда улар жамият уставини қўпол тарзда бузишга йўл қўйган бўлса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳукуқига эга.

9.14. Агар жамиятнинг ижроия органини тузиш акциядорлар умумий йигилишининг мутлақ ваколатларига киритилган бўлса, ижроия органининг ваколатларини тугатиш тўғрисида қарор қабул қилган Кузатув кенгаши бошқарув раҳбарининг вазифасини вақтинча бажарувчи шахсни тайинлаш тўғрисида қарор қабул қиласи, шунингдек ижроия органи тўғрисидаги масалани ҳал этиш учун акциядорларнинг навбатдан ташқари умумий йигилишини чақиради.

9.15. Жамият Кузатув кенгашининг аъзолари, бошқарув аъзолари ўз ҳукуқларини амалга оширишда ва ўз бурчларини бажаришда жамият манфаатларини қўзлаб иш тутишлари лозим.

9.16. Жамият Бошқаруви мазкур Устав ва акциядорлар умумий йигилиши томонидан тасдиқланган "Ижроия органи тўғрисида"ги Низом асосида иш олиб боради.

X. ЖАМИЯТНИНГ ТАФТИШ КОМИССИЯСИ

10.1. Жамиятнинг молия-хўжалик фаолиятини назорат қилиш учун Жамият уставига мувофиқ акциядорларнинг умумий йигилиши томонидан бир йил муддатга тафтиш комиссияси сайланади. Жамият тафтиш комиссияси З кишидан иборат. Айни бир шахс Жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.

10.2. Жамият тафтишчиси ёки тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.

10.3. Жамият тафтиш комиссиясининг ваколатлари :

- Жамиятнинг молиявий ҳужжатларини, мол-мулкни инвентарлаш бўйича тафтиш комиссиясининг холосасини текшириш, кўрсатилган ҳужжатларни бирламчи бухгалтерия ҳисоби маълумотлари билан таққослаш;
- Жамият номидан тузилган шартномалар, амалга оширилган битимлар, контрагентлар

билан ҳисоб-китобларнинг қонун ҳужжатларига мувофиқлигини текшириш;

- юритилаётган бухгалтерия ва статистика ҳисобини мавжуд меъёрий қоидаларга мувофиқлигини таҳлил қилиш;

- молиявий-хўжалик, ишлаб чиқариш фаолиятида белгиланган меъёрий кўрсаткичлар, қоидалар ва ҳоказоларга риоя қилинишини текшириш;

- Жамиятининг молиявий ҳолатини, унинг тўловга қобиллигини, активларнинг ликвидлигини, ўзининг ва қарз маблағлари нисбатини таҳлил қилиш;

- корхонанинг иқтисодий ҳолатини яхшилаш, резервларини яхшилаш ва Жамият бошқариш органлари учун тавсиялар ишлаб чиқиш;

- маҳсулот ва хизматлар етказиб берувчилар томонидан бюджетга тўловлар, облигациялар бўйича дивиденdlар, фоизлар ҳисобланиши ҳамда тўланиши, бошқа мажбуриятлар узилишини ўз вақтида ва тўғри амалга оширилаётганини текшириш;

- солиқ инспекцияси, статистика органлари, давлат бошқарув органлари учун Жамият баланслари, ҳисбот хужжатлари тўғри тузилганлигини текшириш;

- Жамият бошқарув раиси томонидан қабул қилинган қарорларнинг тўғрилигини, уларнинг Жамият Уставига, Жамият Бошқаруви тўғрисидаги Низомга ва акциядорлар Умумий йигилиши қарорларига мувофиқлигини текшириш;

- акциядорлар Умумий йигилишлари қарорларини таҳлил этиш, Ўзбекистон Республикаси қонунлари ва бошқа меъёрий ҳужжатларидан тафовут қилган тақдирда уларни ўзгартириш бўйича таклифлар киритиш.

10.4. Жамият тафтиш комиссиясининг талабига биноан Жамиятнинг Бошқарув органларидаги мансабдор шахслар молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

10.5. Жамиятнинг тафтиш комиссияси амалдаги қонунчиликка мувофиқ акциядорларнинг навбатдан ташқари умумий йигилиши чақирилишини талаб қилишга ҳақли.

10.6. Жамият тафтиш комиссияси фаолиятининг тартиби акциядорлар умумий йигилиши томонидан тасдиқланадиган «Жамият тафтиш комиссияси тўғрисида»ги Низомда белгилаб қўйилади.

XI. ЯКУНИЙ ҚОИДАЛАР

11.1. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йўли билан амалдаги қонун ҳужжатлари ва ушбу Уставга асосан ҳал қилинади.

11.2. Низо ва келишмовчиликларни музокаралар йўли билан ҳал қилиш имконияти бўлмаган тақдирда улар тегишли равишда суд орқали ҳал қилинади.

11.3. Мазкур Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб кучга киради.

2220088



Yuridik shaxsni tadbirkorlik subyektini qayta ro'yxatdan o'tkazganlik xaqida
ma'lumotnoma

26.06.2019 r

	O'zgarishdan oldin	O'zgarishdan keyin
1	Yuridik shaxsning - tadbirkorlik subyektining nomi 200524402, TURON SANATORIYASI	Yuridik shaxsning - tadbirkorlik subyektining nomi <i>O'zgarishlarsiz</i>
2	THSh Aksiyadorlik jamiyatি	THSh <i>O'zgarishlarsiz</i>
3	Faoliyat yuritish manzili Toshkent shahri, Mirzo Ulug'bek tumani, SHO'RTEPA KO'CHSI, 159-UY,	Faoliyat yuritish manzili <i>O'zgarishlarsiz</i>
4	IFUT	IFUT <i>Shifoxona muassasaları faoliyatি</i>

O'zgarishdan oldingi Tasischilar

Ta'sischi turi	Ta'sischi STIRi	F.I.Sh. / Nomi	Miqdori	Ulushi
Yuridik shaxs	201685882	O'ZBEKISTON KASABA UYUSHMALARI FEDERATSIYASI	728 375 000.00	100.0 %
Ustav fondi 728 375 000.00 UZS				100.0 %

Toshkent shahri, Mirzo Ulug'bek tumani, DAVLAT XIZMATLARI MARKAZI

Imzo : 90886.INOMJON ISROILOV ISOQJON O'G'LΙ